



REPUBLIKA E SHQIPËRISË
ZYRA E INSPEKTORIT TË LARTË TË DREJTËSISË
KOMITETI I EMËRIMIT DHE VLERËSIMIT TË INSPEKTORËVE

Nr. 2307/2 Prot.

Tiranë, më 28.07.2025

V E N D I M

Nr. 42 datë. 28.07.2025

**“PËR NDALIMIN E KANDIDIMIT TË ZNJ. NERTILA MIHALI NË VENDIN
VAKANT PËR INSPEKTOR JOMAGJISTRAT, SHPALLUR NGA INSPEKTORI I
LARTË I DREJTËSISË MË DATË 27.05.2024”**

Komiteti i Emërimit dhe Vlerësimit të Inspektorëve i përbërë nga:

Znj. Elena Pelushi – Kryetar
Znj. Lindita Ziguri – Anëtar
Znj. Joana Sorraj- Anëtar

Asistuar nga Sekretariati teknik i përbërë nga:

Znj. Amanta Jasa
Znj. Eljona Bylykbashi
Znj. Zonje Shelqizi

Në mbledhjen e datës 28.07.2025, mori në shqyrtim çështjen që i përket:

Kandidatit për inspektor jomagjistrat: Znj. Nertila Mihali

OBJEKTI: Urdhërimi i ndalimit të znj. Nertila Mihali, në vendin vakant për inspektor jomagjistrat, të shpallur nga Inspektori i Lartë i Drejtësisë në datën 27.05.2024.

Komiteti pasi u njoh me aktet si dhe bisedoi çështjen në tërësi,

VËREN:

I. Rrethanat e çështjes

1. Inspektori i Lartë i Drejtësisë, në mbështetje të nenit 209 dhe nenit 211, pika 2, të ligjit nr. 115/2016 "Për organet e qeverisjes së sistemit të drejtësisë", të ndryshuar, pikës 3 dhe 77, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", urdhrin nr. 7, datë 04.03.2020, të Inspektorit të Lartë të Drejtësisë, "Për miratimin e Rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë", me njoftimin e datës 27.05.2024, në faqen zyrtare ka shpallur procedurën për 4 vende vakante për pozicionin e inspektorit jomagjistrat. Shpallja ka qenë e hapur për 30 ditë, periudhë gjatë së cilës do të administrohet kërkesa e të interesuarve, bashkë me dokumentacionin e renditur në shpallje.
2. Në përfundim të afatit të shpalljes, me urdhrin nr. 74 datë 26.06.2024 "Për fillimin e procedurës së përzgjedhjes së kandidatëve jomagjistratë për pozicionin e Inspektorit pranë Zyrës së Inspektorit të Lartë të Drejtësisë", të ndryshuar, Inspektori i Lartë i Drejtësisë ka ngritur Komitetin e Emërimit dhe Vlerësimit të Inspektorëve, si organi që do të zhvillojë procedurat përzgjedhëse për plotësimin e vendeve të shpallura.
3. Komiteti i Emërimit dhe Vlerësimit të Inspektorëve, në përfundim të afatit për paraqitjen e aplikimeve për shprehje interesi për kandidim datë 26.06.2024, zhvilloi mbledhjen e parë më datë 02.07.2024, ku vendosi për shqyrtimin e dosjes që i përket çdo kandidati dhe fillimin e procedurave të verifikimit, vlerësimit, pikëzimit dhe renditjes së kandidatëve që kanë shprehur interes për vendin vakant për Inspektor Jomagjistrat pranë Zyrës së Inspektorit të Lartë të Drejtësisë duke njoftuar në faqen zyrtare në rubrikën "Njoftime"; "Rekrutim Inspektorë Jo-Magjistratë" listën e personave të interesuar për vendin vakant dhe fillimin e shqyrtimit të aplikimeve të kandidatëve të shoqëruara me dokumentet e paraqitura prej tyre, për përmbushjen e kushteve dhe kriterëve ligjore të përcaktuara në nenin 209 dhe nenin 211, pika 2 të ligjit nr. 115/2016 "Për organet e qeverisjes së sistemit të drejtësisë", i ndryshuar dhe të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistrat për pozicionin e inspektorit".
4. Znj. Nertila Mihali, si një ndër kandidatët që ka shprehur interesin nëpërmjet kërkesës me nr. 1809 prot., datë 26.06.2024 për vendin vakant të Inspektor jomagjistrat pranë Zyrës së Inspektorit të Lartë të Drejtësisë, është njoftuar me shkrim për t'u paraqitur pranë Zyrës së Inspektorit të Lartë të Drejtësisë, për të vijuar me përmbushjen e procedurave të verifikimit të kandidaturës bazuar në detyrimet ligjore, të përcaktuara nga neni 209, neni 211, pika 2, të ligjit nr. 115/2016 "Për organet e qeverisjes së sistemit të drejtësisë", të ndryshuar, të vendimit nr. 536, datë 25.07.2019, të Këshillit të

Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", si dhe urdhrin nr. 7, datë 04.03.2020, të Inspektorit të Lartë të Drejtësisë "Për miratimin e Rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë". Njoftimi me shkrim, i kryer në rrugë elektronike në adresën e deklaruar nga vetë kandidati, gjendet i administruar në dosjen e kandidimit.

5. Në datën 09.07.2024, kandidati Nertila Mihali, është paraqitur pranë Zyrës së Inspektorit të Lartë të Drejtësisë dhe është pajisur me formularët e deklarimit dhe autorizimet që duhet të plotësohen për qëllimet e vijimit të procedurës së verifikimit të kandidaturës së tij. Kryerja e kësaj procedure vërtetohet nga nënshkrimi prej vetë kandidatis të Deklaratës përkatëse, e cila gjendet e administruar në dosjen e kandidimit.
6. Në datën 19.07.2024 kandidati Nertila Mihali ka depozituar tek sekretariati teknik, formularët e deklarimit dhe autorizimet përkatëse për qëllimet e vijimit të procedurës së verifikimit të kandidaturës së tij, të cilat gjenden të administruara në dosjen e kandidimit.
7. Për verifikimin e kushteve dhe kriterëve ligjore të kandidimit, lidhur me verifikimin dhe kontrollin e pasurisë, Inspektori i Lartë i Drejtësisë, në mbështetje të nenit 209 dhe nenit 211, pika 2, të ligjit nr. 115/2016 "Për organet e qeverisjes së sistemit të drejtësisë", të ndryshuar, si edhe në zbatim të seksionit A, të Kreut IV, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jo magjistratë për pozicionin e inspektorit", me shkresën përcjellëse me nr. 2230 prot. datë 03.08.2024, i ka dërguar Inspektoratit të Lartë të Deklarimit dhe Kontrollit të Pasurisë dhe Konfliktit të Interesit (ILDKPKI), listën e kandidatëve dhe të personave të lidhur me ta, sikurse janë deklaruar prej vetë kandidatëve, që i nënshtrohen procedurës së deklarimit dhe kontrollit të pasurisë, si edhe kopjet e deklaratave të nënshkruara nga secili prej tyre.
8. Inspektori i Lartë i Drejtësisë ka dërguar ILDKPKI-së listën e kandidatëve dhe personave të lidhur me ta që i nënshtrohen procedurës së verifikimit të kushteve dhe kriterëve të tjera ligjore të kandidimit sipas ligjit nr. 9049 datë 10.04.2003 "Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publikë", ligjit nr.9367 date 07.04.2005 "Për parandalimin e konfliktit të interesave në ushtrimin e funksioneve publike" dhe ligjit nr. 115/2016 "Për organet e qeverisjes së Sistemit të Drejtësisë", të ndryshuar
9. Bashkëlidhur kësaj shkrese drejtuar ILDKPKI-së, ndërmjet të tjerave, është vendosur edhe Deklarata e nënshkruar nga kandidati Nertila Mihali, ku deklarohet se, është pajisur me kredencialet dhe autorizimet që duhet të plotësohen për qëllimet e procedurës së

verifikimit të kandidaturës së tij, si edhe data e nënshkrimit, nga e cila fillojnë të llogariten afatet e përcaktuara nga ligji për përmbushjen e detyrimeve ligjore të kandidatit për procedurën e verifikimit të kandidaturës.

10. Kandidati Nertila Mihali e ka përmbushur detyrimin për të plotësuar në sistemin EACID dhe dorëzuar si elektronikisht dhe fizikisht të plotësuar pranë ILDKPKI-së Deklaratën e Pasurisë dhe Interesave Privatë të Kandidatit për Pozicione të Ndryshme në Institucionet e Sistemit të Drejtësisë.
11. ILDKPKI, në zbatim të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", me aktin nr. 194/23 prot., datë 25.10.2024, ka dërguar pranë Zyrës së Inspektorit të Lartë të Drejtësisë, rezultatet e kontrollit të ushtruar për kandidatin Nertila Mihali dhe personat e lidhur me të.
12. Gjithashtu, në funksion të ushtrimit të kompetencave të tij për verifikimin e plotësimit të kushteve dhe kriterëve ligjore të kandidimit, për sa i përket kontrollit të pasurisë, si dhe në zbatim të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", ky institucion kryen verifikime pranë subjekteve publike dhe private që lejon ligji, të të dhënave mbi pasuritë, interesat privatë dhe detyrimet financiare që ekzistojnë në emër dhe për llogari të kandidatit Nertila Mihali dhe personave të lidhur me të si dhe administron/analizon të dhënat që dalin nga procesi i verifikimi të kriterit të pasurisë.
13. Për realizimin e veprimeve verifikuese të lidhura me kontrollin e pasurisë së kandidati Nertila Mihali referuar aktit të përfundimit të kontrollit të deklaratës së pasurisë rezultojnë se ILDKPKI me shkresën nr. 194 prot., datë 06.08.2024 dhe datë 26.09.2024, i është drejtuar me kërkesa për informacion lidhur me kandidatin Nertila Mihali institucioneve bankare: *Banka e Shqipërisë, Banka Raiffeisen sha, Banka Kombëtare Tregtare sha, Banka Intesa Sanpaolo sha, Banka Tirana sha, Banka e Bashkuar e Shqipërisë sha, Banka ProCredit sha, Banka e Parë e Investimeve sha, Banka Amerikane e Investimeve sha, Banka Credins sha, Banka Union sha, Banka OTP Albania sha, Raiffeisen Leasing sha, Porsche Leasing sha, RFZ Invest sha, Credins Invest sha, DPSHTRR, Qendra Kombëtare e Biznesit, DPT, ISSH, D.P Detare, ASHK online.*
14. Për verifikimin e kushteve dhe kriterëve ligjore të kandidimit, të përcaktuara në nenin 209, pika 6, germa "a" dhe nenit 211, pika 2, të ligjit nr. 115/2016 "Për organet e qeverisjes së sistemit të drejtësisë", të ndryshuar, si edhe në zbatim të seksionit C, të Kreut IV, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve

dhe te kriterëve ligjore, verifikimin e figurës e të pasurisë së kandidatëve jo magistratë për pozicionin e inspektorit", kandidati Nertila Mihali ka depozituar dokumente.

15. Për verifikimin e kushteve dhe kriterëve ligjore të kandidimit, lidhur me verifikimin dhe kontrollin e integritetit të kandidatit Nertila Mihali, Inspektori i Lartë i Drejtësisë i është drejtuar me kërkesë për informacion Autoritetit Kombëtar për Sigurinë e Informacionit të Klasifikuar, Shërbimit Informativ të Shtetit, Agjencisë së Inteligjencës dhe Sigurisë së Mbrojtjes dhe Agjencisë së Mbikëqyrjes Policore pranë Ministrisë së Brendshme.
16. Në mbështetje të nenit 209, pika 6, germave "b" dhe "d", të ligjit nr. 115/2016 "Për organet e qeverisjes së sistemit të drejtësisë", të ndryshuar, me shkresën me nr. 2234 prot., datë 03.08.2024, është kërkuar informacion që lidhet me integritetin e secilit prej kandidatëve pranë Drejtorisë së Përgjithshme të Gjendjes Civile, duke verifikuar mbi plotësimin e kriterëve të përcaktuara në pikën 1 të Kreut III dhe në zbatim të pikës 2, germa "b" Kreu V, të vendimit nr. 17/2016 të Kuvendit të Republikës së Shqipërisë "Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike". Gjithashtu, në zbatim të kriterit të përcaktuar në pikën 6, germa "d" të ligjit nr. 115/2016 "Për organet e qeverisjes së sistemit të drejtësisë", të ndryshuar, për verifikimin e gjendjes gjyqësore të kandidatit znj. Mihali, Inspektori i Lartë i Drejtësisë i është drejtuar me shkresën nr. 2235 prot., datë 03.08.2024, Drejtorisë të Përgjithshme të Burgjeve, lidhur me verifikimin nëse ndaj kandidatit janë zhvilluar procese gjyqësore të karakterit penal, dhe rezultojnë të dënuar, për efekt të gjendjes gjyqësore.
17. Për verifikime të mëtejshme kriterëve të përcaktuara në nenin 209, pika 6, germave "b" dhe "d", të ligjit nr. 115/2016 "Për organet e qeverisjes së sistemit të drejtësisë", të ndryshuar, si dhe në pikat 59 dhe 60 të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit" Inspektori i Lartë i Drejtësisë ka përcjellë formularin e vetëdeklarimit, sipas ligjit nr. 138/2015, "Për garantimin e integritetit të personave që zgjidhen, emërohen ose ushtrojnë funksione publike", të plotësuar nga kandidati jomagjistrat, në Prokurorinë e Përgjithshme, me shkresën nr. 1875 prot., datë 13.06.2025. Në përgjigje të kësaj kërkesë ka ardhur shkresa nr. 923/1 prot., datë 23.06.2025 dhe nr. 923/16 prot., datë 11.07.2025.
18. Në funksion të verifikimit të kriterëve të përcaktuara në nenin 209, pika 6, germave "b" dhe "d", të ligjit nr. 115/2016 "Për organet e qeverisjes së sistemit të drejtësisë", të ndryshuar, Inspektori i lartë i Drejtësisë, i është drejtuar me kërkesë për informacion lidhur me çështje gjyqësore apo hetime penale në ngarkim të kandidatëve, gjykatave të shkallës së parë të juridiksionit të përgjithshëm, dhe prokurorive pranë tyre Gjykatës së Posaçme të Shkallës së Parë për Korrupsionin dhe Krimin e Organizuar, dhe Prokurorisë

së Posaçme, të cilat kanë kthyer përgjigjet përkatëse, sipas shkresave të gjykatave nr. 1013/1, datë 18.06.2025; nr. 1337/1, datë 17.06.2025; nr. 620/1, datë 17.06.2025; nr. 3187/1 datë 18.06.2025; nr. 1167/1, datë 18.06.2025; nr. 618/1, datë 20.06.2025; nr. 2663/1, datë 19.06.2025; nr. 3219/1, datë 23.06.2025; nr. 6061/1, datë 23.06.2025; nr. 1179/1, datë 23.06.2025; nr. 3572/3, datë 04.07.2025; nr. 2439/1, datë 27.06.2025, nr. 1869/13 prot., datë 10.07.2025 (përcjellë me email) nr. 1869/14 prot., datë 14.07.2025; dhe të prokurorive nr. 6213/1, datë 16.06.2025; nr. 2485/1, datë 18.06.2025; nr. 1768/1 datë 17.06.2025; nr. 3601/1, datë 18.06.2025; nr. 10341/1, datë 18.06.2025; nr. 1570, datë 17.06.2025; nr. 5379/1, datë 18.06.2025; nr. 5027/1, datë 19.06.2025; nr. 7622/1, datë 19.06.2025; nr. 8601/1, datë 19.06.2025; nr. 16562/1 datë 30.06.2025; nr. 22680, datë 01.07.2025; nr. 1868/13 prot., datë 10.07.2025.

19. Për verifikimin e kushteve dhe kriterëve ligjore të kandidimit, që kanë të bëjnë me përvojën profesionale si "Jurist", jo më pak se pesëmbëdhjetë vite punë në çastin e kandidimit, në zbatim të nenit 209, pika 6, germa "c", e ligjit nr. 115/2016 "Për organet e qeverisjes së sistemit të drejtësisë", Inspektori i Lartë i Drejtësisë i është drejtuar me kërkesë për informacion Institutit të Sigurimeve Shoqërore dhe Drejtorisë së Arkivit Qendror me shkresën nr. 2232 prot, datë 03.08.2024, në lidhje me periudhën e derdhjes të kontributeve të sigurimeve shoqërore. Gjithashtu, Inspektori i Lartë i Drejtësisë i është drejtuar me kërkesë për informacion dhe Drejtorisë Rajonale të Sigurime Shoqërore Durrës me shkresën nr. 2834 prot., datë 22.10.2024. Instituti i Sigurimeve Shoqërore ka kthyer përgjigje me shkresat nr. 8503/1 prot, datë 09.08.2024 dhe nr. 8503/2 datë 12.08.2024, Drejtoria e Arkivit Qendror ka kthyer përgjigje me shkresat nr. 8294/1 prot, datë 20.08.2024 dhe, Drejtoria e Arkivit Qendror, Degës së Fondit Arkivor të Kontributeve Para Vitit 1994 ka kthyer përgjigje me shkresën nr. nr. 8449/1 prot, datë 23.08.2024 dhe Drejtoria Rajonale Durrës ka kthyer përgjigje me shkresën nr. 18473/1 prot, datë 29.10.2024. Po kështu, lidhur me të njëjtin kriter Inspektori i Lartë i Drejtësisë i është drejtuar me shkresën nr. 2225 prot., datë 03.08.2024 Drejtorisë së Përgjithshme të Postës Shqiptare, Ministrisë së Brendshme me shkresën nr. 2225/1 prot., datë 03.08.2024, Operatorit të Blerjeve të Përqendruara me shkresat nr. 2225/2 prot., datë 03.08.2024, nr. 2225/5 prot., datë 08.10.2024, nr. 2225/7 prot., datë 21.10.2024, nr. 2225/9 prot., datë 08.11.2024, të cilat kanë kthyer përgjigjet përkatëse. Drejtoria e Përgjithshme e Postës Shqiptarë ka kthyer përgjigje me shkresën nr. 1630/1 prot., datë 14.08.2024, Ministria e Brendshme me shkresën nr. 8995/1 prot., datë 13.08.2024, Operatori i Blerjeve të Përqendruara me shkresat nr. 1755/1 prot, datë 11.10.2024, nr. 1755/3 prot., datë 31.10.2024, nr. 1755/5 prot., datë 12.11.2024
20. Gjithashtu, për këtë rast kandidimi, u vlerësua t'i drejtohem me kërkesë për informacion Dhomës së Avokatisë së Shqipërisë me nr. 2238 prot., datë 03.08.2024. Kërkesa është bërë në mbështetje të nenit 209, pika 6, germa "ç", e ligjit nr. 115/2016 "Për organet e qeverisjes së sistemit të drejtësisë", të ndryshuar dhe seksionit C të kreut IV, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë,

për pozicionin e inspektorit", duke kërkuar nëse kandidati, në mënyrë aktive, ka ushtruar profesionin e avokatit të paktën në dy vitet e fundit. Dhoma e Avokatisë e Shqipërisë është përgjigjur me shkresën nr. 350 prot., datë 04.09.2024, informacion i cili është administruar në dosjen e kandidatit.

21. Gjithashtu, lidhur me kriterin e përcaktuar në nenin 209, pika 6, germa "d" të ligjit nr. 115/2016 "Për organet e qeverisjes së sistemit të drejtësisë", të ndryshuar është dërguar shkresa nr. 2235, datë 03.08.2024 në Drejtorinë e Përgjithshme të Burgjeve, ku është kërkuar informacion nëse kandidati është dënuar më parë me vendim gjyqësor të formës së prerë për kryerjen e një vepre penale. Drejtoria e Përgjithshme e Burgjeve ka kthyer përgjigje pranë Zyrës së Inspektorit të Lartë të Drejtësisë me shkresën nr. 13027/1 prot., datë 08.08.2024.
22. Lidhur me verifikimin dhe kontrollin e integritetit, në zbatim të nenit 209, pika 6, germa "e", të ligjit nr. 115/2016 "Për organet e qeverisjes së sistemit të drejtësisë", të ndryshuar, dhe pikës 62, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësisë të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", Inspektori i Lartë i Drejtësisë i është drejtuar Autoritetit për Informim mbi Dokumentet e ish - Sigurimit të Shtetit nëse secili kandidat, përfshihet në rastin e posaçëm të nenit 209, pika 6, germa "e", e ligjit nr. 115/2016 "Për organet e qeverisjes së sistemit të drejtësisë", të ndryshuar: *"e) ka qenë ose jo anëtar, bashkëpunëtor ose të favorizuar nga ish-Sigurimi i Shtetit para 2 korrikut 1991"* apo në njërin nga rastet e pikës 2, të nenit 29, të ligjit nr. 45/2015 "Për të drejtën e informimit për dokumentet e ish-sigurimit të shtetit të Republikës Popullore Socialiste të Shqipërisë". Me shkresën nr. 2231 prot, datë 03.08.2024, Zyra e Inspektorit të Lartë të Drejtësisë, ka dërguar formularin e aplikimit përkatës të plotësuar sipas ligjit nga kandidati i sipërcituar, për kompetencë dhe shqyrtim Autoritetit për Informimin mbi Dokumentet e Ish-Sigurimit të Shtetit.
23. Lidhur me verifikimin dhe kontrollin e integritetit, në zbatim të nenit 209, pika 6, germat "dh" e "f", të ligjit nr.115/2016 "Për organet e qeverisjes së sistemit të drejtësisë", i ndryshuar, që parashikojnë se: *"dh) të mos kenë mbajtur funksione politike në administratën publike, ose pozicione drejtuese në parti politike gjatë 10 vjetëve të fundit përpara kandidimit; f) të mos jenë anëtarë të organeve drejtuese të ndonjë grupi interesi, të tilla si shoqata ose sindikata etj., në kohën e kandidimit"*, i është kërkuar Gjykatës së Shkallës së Parë të Juridiksionit të Përgjithshëm Tiranë, verifikimi në regjistrin elektronik të të dhënave ndër të tjera, për kandidaten znj. Nertila Mihali. Gjykata e Shkallës së Parë të Juridiksionit të Përgjithshëm Tiranë, ka kthyer përgjigje me shkresën nr. 3572/1 prot., datë 13.06.2025, regjistruar në Zyrën e Inspektorit të Lartë të Drejtësisë me nr. 1566/1 prot., datë 13.06.2025. Nga kjo shkresë informohemi se nga verifikimet e kryera në aktet e depozituara nga subjektet politike, në regjistrin e Partive Politike pranë kësaj Gjykate, nuk rezulton që shtetësja Nertila Mihali të ketë qenë pjesë e organeve drejtuese të Partive Politike. Në vijim ndërsa informohet se nga verifikimet e kryera në regjistrin e

organizatave jofitimprurëse dhe sindikatave nuk rezulton për disa shtetas, kandidatë që të kenë qenë pjesë e organeve drejtuese të ndonjë organizate jofitimprurëse ose sindikate, për kandidaten znj. Nertila Mihali, në këtë shkresë citohet se *“Shtetasja Nertila Mihali rezulton të jetë anëtar në Shoqatën “Instituti për Kulturë Ligjore”, regjistruar me vendimin nr. 220, datë 25.04.2002 të Gjykatës së Shkallës së Parë të Juridiksionit të Përgjithshëm Tiranë.* Nga vendimi gjyqësor i bashkëlidhur rezulton se kandidatja znj. Nertila Mihali është e përfshirë si anëtare në Bordin Drejtues të Shoqatës. Neni 5 i Akt-Themelimit “Për krijimin e shoqatës “Instituti për Kulturë Ligjore” përcakton se: “Organet drejtuese të shoqatës janë: Mbledhja e Përgjithshme e Anëtarëve të Shoqatës; Bordi Drejtues i Shoqatës; Kryetari i Shoqatës”. Gjithashtu nga informacioni i shkresës së Gjykatës së Shkallës së Parë të Juridiksionit të Përgjithshëm Tiranë, të sipërcituar dhe i dokumentacionit bashkëlidhur, nuk rezultojnë të dhëna për ndryshime të mëtejshme.

Për përgjigjen në fjalë, është vënë në dijeni kandidatja, e cila ka sjellë shpjegimet e regjistruar në ILD me nr.1918/2 prot., datë 03.07.2025, në të cilën ndër të tjera është shprehur se: *“... ju bëj me dije se, kjo shoqatë ka mbi 20 vite që nuk ka kryer asnjë aktivitet apo veprim. Pas ndryshimeve me ligjin nr. 80/2021 “Për regjistrimin e Organizatave jofitimprurëse” (të cilat kanë ardhur pas regjistrimit në vitin 2002 të kësaj shoqate), nga ana e Shoqatës “Instituti për Kulturë Ligjore”, nuk është kryer asnjë veprim. Së pari: Shoqata “Instituti për Kulturë Ligjore”, nuk është regjistruar asnjëherë në regjistrin elektronik të OJF-ve, çka është një detyrim, që rrjedh nga zbatimi i nenit 36 të Ligjit nr.80/2021 “Për regjistrimin e Organizatave jofitimprurëse”. Së dyti: Bazuar në Nenin 36 “Regjistrimi i njëkohshëm”, pika 1 të Ligjit nr. 80/2021, sipas të cilës “...”, Shoqata “Instituti për Kulturë Ligjore” nuk është regjistruar asnjëherë as pranë administratës tatimore qendrore dhe vendore, as në skemën e sigurimeve shoqërore e shëndetësore dhe as pranë inspektoriatit të punës. (Mund të verifikohet pranë këtyre institucioneve) Së treti: Shoqata “Instituti për Kulturë Ligjore” nuk është pajisur asnjëherë me Numër Unik Identifikimi, çka është një detyrim, që rrjedh nga zbatimi i nenit 37 “Numri unik i identifikimit të subjektit”, të Ligjit nr. 80/2021 “Për regjistrimin e Organizatave jofitimprurëse”. Pika 1: “...”. pika 2: “...”. Së fundi: bazuar në nenin 50 “Regjimi tranzitor”, pika 5, e ligjit 80/2021 sipas të cilit: “...”, duke qenë se, Shoqata “Instituti për Kulturë Ligjore” nuk është regjistruar në administratën tatimore brenda 12 (dymbëdhjetë) muajve nga hyrja në fuqi e këtij ligji, rezulton e çregjistruar nga regjistri i organizatave jofitimprurëse. Verifikime mund të kryhen në faqen zyrtare të Gjykatës së Shkallës së Parë të Juridiksionit të Përgjithshëm Tiranë ... Përsa më sipër, konsideroj se plotësoj kushtin e parashikuar nga neni 209 pika 6 shkronja “f” të ligjit nr. 115/2016, pasi në kohën e kandidimit tim për inspektor jomagjistrat, Shoqata “Instituti për Kulturë Ligjore” (e regjistruar me Vendimin nr. 220 datë 25.04.2002 të Gjykatës së Shkallës së Parë të Juridiksionit të Përgjithshëm Tiranë), në kuptim të nenit 50 “Regjimi tranzitor”, pika 5, të ligjit nr. 80/2021, ka qenë e çregjistruar nga regjistri i organizatave jofitimprurëse”.*

24. Në përfundim të veprimeve dhe procedurave të kontrollit dhe verifikimit, në zbatim të nenit 209 dhe nenit 211, pika 2, të ligjit nr. 115/2016 " Për organet e qeverisjes së

sistemit të drejtësisë", të ndryshuar, pikës 27 e vijues të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë, për pozicionin e inspektorit", urdhrit nr. 7, datë 04.03.2020, të Inspektorit të Lartë të Drejtësisë, "Për miratimin e Rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë", Komiteti ka proceduar me përgatitjen e relacionit përkatës mbi gjendjen e faktit dhe të ligjit të zbatueshëm.

25. Në mbështetje të nenit 209 dhe nenit 211, pika 2, të ligjit nr. 115/2016 "*Për organet e qeverisjes së sistemit të drejtësisë*", të ndryshuar, të C, të Kreut IV vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë, për pozicionin e inspektorit", Urdhrit nr. 7, datë 04.03.2020, të Inspektorit të Lartë të Drejtësisë, "Për miratimin e Rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë", Kryetari i Komitetit të Emërimit dhe Vlerësimit të Inspektorëve ka thirrur mbledhjen e Komitetit duke njoftuar anëtarët për zhvillimin e saj në datën 28.07.2025 rendin e ditës, si edhe duke i bashkëlidhur njoftimit materialet e çështjes. Në rendin e ditës është përfshirë çështja me objekt shqyrtimin e aplikimit të kandidimit të znj. Nertila Mihali, për vendin vakant për inspektor jomagjistrat në Zyrën e Inspektorit të Lartë të Drejtësisë.

II. Vlerësimi i Komitetit

26. Komiteti i Emërimit dhe Vlerësimit të Inspektorëve, duke u bazuar në dispozitat ligjore dhe ato nënligjore normative të zbatueshme për çështjen në shqyrtim, si edhe në rrethanat e faktit që rezultojnë nga aktet që përmban dosja e kandidimit, vlerëson se duhet të procedojë me vendim për ndalimin e kandidimit të kandidatit Nertila Mihali për vendin vakant për Inspektor jomagjistrat pranë Zyrës së Inspektorit të Lartë të Drejtësisë.
27. Në nenin 209, pika 6, gërma "f" e ligjit nr. 115/2016 "*Për organet e qeverisjes së sistemit të drejtësisë*", si kusht kandidimi përcaktohet që kandidatët të mos jenë anëtarë të organeve drejtuese të ndonjë grupi interesi, të tilla si shoqata ose sindikata etj., në kohën e kandidimit. Nga informacioni i marrë nga Gjykata e Shkallë së Parë të Juridiksionit të Përgjithshëm Tiranë, me shkresën nr. 1566, datë 21.05.2025 rezulton që kandidatja është anëtare e Bordit Drejtues të Shoqatës "Instituti për Kulturë Ligjore". Ky fakt, nuk ndryshoi as nga shpjegimet e sjellë nga ana e kandidates, e cila nuk ishte e shoqëruar me ndonjë dokument mbështetës nga regjistri përkatës të cilës ajo i referohet. Për rrjedhojë, në rastin e kandidates në fjalë, nuk plotësohet kushti ligjor i sipërpërmendur.

28. Komiteti vlerëson të ritheksojë se kushtet e kandidimit për Inspektor Jomagjistrat në Zyrën e Inspektorit të Lartë të Drejtësisë, të parashikuara nga Kushtetuta dhe ligjet e nxjerra në pajtim me të, duhet të plotësohen secila dhe të gjitha së bashku në mënyrë që kandidati të pranohet për t'u vlerësuar dhe renditur sipas meritave nga Komiteti. Në rast se kandidati nuk plotëson qoftë edhe njërin prej kushteve dhe kriterëve ligjore të kandidimit, kjo do të përbënte motiv ligjor të mjaftueshëm për Komitetin e Emërimit dhe Vlerësimit të Inspektorëve për të disponuar ndalimin e kandidimit, pa qenë më e nevojshme të arsyetojë për plotësimin ose jo të kushteve të tjera ligjore.
29. Për këto arsye, në zbatim të nenit 209 dhe nenit 211, pika 2, të ligjit nr.115/2016 " Për organet e qeverisjes së sistemit të drejtësisë", të ndryshuar, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", urdhrit nr. 7, datë 04.03.2020, të Inspektorit të Lartë të Drejtësisë "Për miratimin e Rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë", Komiteti vjen në përfundimin se kandidati Nertila Mihali është në kushtet e ndalimit për shkak të mosplotësimit të kushtit ligjor të parashikuar nga neni 209, pika 6, germa "f" të ligjit nr. 115/2016 " Për organet e qeverisjes së sistemit të drejtësisë", të ndryshuar.
30. Nisur nga sa analizohet dhe arsyetohet me sipër, bazuar në gjetjet dhe të dhënat e konstatuara gjatë procedurës së verifikimit që rezultojnë nga aktet dhe dokumentacionin që përmban dosja e kandidimit, në interpretim dhe zbatim të ligjit të zbatueshëm për kushtet dhe kriteret e kandidimit për inspektor jomagjistrat, Komiteti i Emërimit dhe Vlerësimit të Inspektorëve vjen në përfundimin se duhet të vendoset ndalimi i kandidimit të kandidatit Nertila Mihali, në vendin vakant për inspektor jomagjistrat në Zyrën e Inspektorit të Lartë të Drejtësisë, të shpallur nga Inspektori i Lartë i Drejtësisë në datën 27.05.2024, pasi kandidati nuk plotëson kushtin e parashikuar në nenin 209, pika 6, germa "f" të ligjit nr. 115/2016 " Për organet e qeverisjes së sistemit të drejtësisë", të ndryshuar.

PËR KËTO ARSYE:

Në mbështetje të nenit 209 dhe nenit 211, pika 2, të ligjit nr. 115/2016 "Për organet e qeverisjes së sistemit të drejtësisë" të ndryshuar, pikave 27 "b", 28 "b", 30, 31, 72, 73, të vendimit nr. 536, datë 25.07.2019, të Këshillit të Ministrave "Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit", urdhrit nr. 7, datë 04.03.2020, të Inspektorit të Lartë të Drejtësisë, "Për miratimin e Rregullores "Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë" Komiteti i Emërimit dhe Vlerësimit të Inspektorëve:

V E N D O S I:

1. Ndalimin e kandidimit të kandidatit Nertila Mihali, në vendin vakant për inspektor jomagjistrat, i shpallur nga Inspektori i Lartë i Drejtësisë në datë 27.05.2024.
2. Ky vendim i njoftohet kandidatit Nertila Mihali.
3. Kandidati ka të drejtën e ankimit në gjykatën kompetente, brenda afatit ligjor.
4. Ky vendim publikohet në faqen zyrtare të Inspektorit të Lartë të Drejtësisë.

KOMITETI I EMËRIMIT DHE VLERËSIMIT TË INSPEKTORËVE

ANËTAR

Lindita Ziguri



KRYETAR

Elena Pelushi



ANËTAR

Joana Sorraj

